



Broj: 03/1-50-14-7-27-4/16

Sarajevo, 06.10.2016.

**PREDMET:** Informacija o posjeti članova Zajedničke komisije Agenciji za školovanje i stručno usavršavanje kadrova, Mostar, 13.7.2016.

Predsjedavajući Zajedničke komisije za odbranu i sigurnost BiH Sifet Podžić, Ljiljana Milićević, sekretarka, i Željko Grubešić, stručni savjetnik, 13.7.2016. posjetili su Agenciju za školovanje i stručno usavršavanje kadrova iz sastava Ministarstva sigurnosti BiH, koja je smještena u Mostaru.

Branko Vukoja, direktor, Boris Ivanović, zamjenik direktora, i Elvir Velić, pomoćnik direktora, sa saradnicima bili su domaćini ove radne posjete.

Tokom razgovora o aktivnostima i rezultatima rada ove agencije, direktor Vukoja i njegovi saradnici upoznali su predsjedavajućeg Podžića s kadrovskom popunjenosti, tokom realizacije osnovne i specijalističke obuke koju Agencija realizira s policajcima, policijskim službenicima i drugim stručnjacima iz policijskih agencija iz sastava Ministarstva sigurnosti BiH, entitetskih i kantonalnih MUP-ova te drugih institucija BiH. Razgovarano je o zakonskom okviru za policijsko školovanje na nivou BiH, nadležnostima Agencije, strukturi obuke, nastavnim planovima i programima, specijalističkoj obuci, dostignutim rezultatima u radu, kadrovskom popunjavanju, opremanju Agencije, načinu rješavanja privremenog i trajnog smještaja Agencije.

Čelni ljudi ove agencije, koja je uspostavljena 2009. godine, opredijeljeni su za stvaranje uslova i kapaciteta koji će je profilirati kao jednu od vodećih u Bosni i Hercegovini i regionu u obuci policijskih kadrova za policijske agencije i sektor sigurnosti u cjelini.

Imponira odlučnost rukovodstva ove agencije u realizaciji postavljenih zadataka i obaveza, u završetku izgradnje novog centra za školovanje i stručno usavršavanje koji će imati uslove za smještaj 300 polaznika i bit će opremljen svim pratećim objektima i potrebnim sadržajima.

Predsjedavajući Podžić obišao je kadete Granične policije BiH, koji se trenutno nalaze na jednogodišnjem školovanju u Mostaru, te im se obratio pozvavši ih da iskoriste mogućnosti, izvanredne uslove i veoma stručan kadar u sticanju potrebnih znanja i vještina.

## **Zaključak:**

1. Agencija za školovanje i stručno usavršavanje kadrova Mostar u potpunosti je opravdala svoju namjenu. Njeno rukovodstvo, nastavni kadar i zaposlenici vrlo odgovorno izvršavaju postavljene zadatke i obaveze i sadašnjim načinom rada, postignutim rezultatima u potpunosti ispunjavaju plan i program obuke policajaca, policijskih službenika i kadrova iz sektora sigurnosti.
2. Rukovodstvo ove agencije osiguralo je adekvatne uslove za svoj rad sredstvima iz budžeta, kao i donacijama partnerskih međunarodnih institucija i organizacija, pri čemu je vidljiva vrlo dobra organizacija, efikasno i do kraja uspješno provođenje programskih ciljeva.
3. U radu Agencije vidljiv je racionalan i vrlo odgovoran odnos prema novčanim sredstvima. Planski se ulaže i nabavljaju se savremena sredstva koja su potrebna za edukaciju policijskih kadrova.
4. Policijske agencije iz sastava Ministarstva sigurnosti BiH trebaju planski i na vrijeme planirati obuku svojih kadrova svih nivoa i na vrijeme trebaju dostavljati svoje potrebe za edukacijom s ciljem stvaranja pretpostavki da ova agencija može racionalno planirati svoje resurse i kapacitete. Predsjedavajući Zajedničke komisije upoznat će ministra sigurnosti BiH Dragana Mektića i njegove saradnike te direktore policijskih agencija iz sastava Ministarstva sigurnosti BiH o rezultatima i utiscima s ove posjete, a sve s ciljem daljnje izgradnje kapaciteta, nastavnog kadra ove agencije koja izrasta u jedan od vodećih regionalnih centara u edukaciji kadrova potrebnih za sektor sigurnosti.

**PREDSJEDAVAJUĆI KOMISIJE**  
**Sifet Podžić**

## **PRILOG:**

- Informativni brifing o radu i aktivnostima Agencije za školovanje i stručno usavršavanje kadrova, Mostar, 13.7.2016.

## **Dostavljeno:**

- naslovu
- a/a